

## Kinandi - Ekīrīmū Amalwa Amasako - SW Intro Scriptures

Lūka 17:5 Nīkwa abakwenda mobabwira Omukama bati, Ūkanyaye erīkīrīya lyetu!

Abanya Roma 10:17 Litya erīkīrīya likasa busana n'erīowa, n'erīowa, likasa busana n'erīkangīrīrbwa, n'erīkangīrīrya eryo ni Kristo.

Lūka 11:1 Oko mugulu muguma Yesu abya iniakayasabira halebe. Abere abuga erisaba, omuguma g'oko biga buwe mwamubwira ati, Mukama, ūtūkangīrīraye erisaba, ngoko Yoane akakangīrīraya abiga buwe.

1 Tīmoteo 2:1-4 Neryo ngatsūka eribahatikana nyiti, Eriremba-lemba, n'erisaba, n'erībūlya, n'eriha ewasīngya, bikolawe embere sya Nyamuhanga, busana n'abandu bosī. 2 Kandi busana n'abami, n'abandi bosī abakatabala, tutoke erisiba buholo butsira mwaga, itukakenga Nyamuhanga, n'eriyitondeka ndeke. 3 Ekī ni kibuya, kandi kīkatsemesaya Nyamuhanga Omūlamya wetu, 4 oyo wanzīre abandu bosī balamībawe, n'eriminya ndeke omwatsi w'ekwenene.

Lūka 22:31 Sīmonī! Sīmonī! Lebaya! Satanī yabīrībūlya ehamūlī eribayungira ng'engano.

Zakaria 3:1,2 - Yūda 1:9 Nīkwa Mīkaelī omūlaika mukulu, ekiro alwa n'eSatanī n'erikuba obuhaka nayo busana n'omubiri wa Musa, mwatalīga eritswera Satanī omo bīnywa by'erimutsuma, nīkwa mwabwirayo ati, Omwami Mukulu akukunge.

Abanya Efeso 6:12 Kusangwa situlilwa n'abandu, nīkwa tukalwa n'abatabalī, n'ab'amaka, n'ab'ehamūlī b'omwīrīmya muna-kihugo, n'emilondo y'ebīrīmū by'ebibi ebiri omo kyanya.

Abanya Efeso 6:10,11 Neryo lino, mubane amaka erimatikana n'Omukama. Mubane akagala omo būtokī bunene buwe. 11 Mwambale ebindu byosī by'amalwa bya Nyamuhanga imwatoka erihangana n'erilwa n'amenge w'eSatanī.

Abanya Efeso 6:13-17 Neryo muhambe ebindu byosī by'amalwa bya Nyamuhanga, imwatoka erilwa omo kiro kibi, neryo mwamabilwa, imwatoka erihangana ndeke. 14 Neryo muhangane, mūsīke, mūhīre omwatsi w'ekwenene ng'omukoba omo mbindi syenyū. Mwambale eritunganene ng'ekindu ky'amalwa ekīkategaya ekīkūba. 15 Kandi mwambale ebiryato by'Engulu Yowene y'obuholo. 16 Kandi oko migulu yosī muhambe engabo y'erīkīrīrya erikatoka erīrīmya emisoha yosī y'omuliro y'Omubi. 17 Kandi muhambe akakīra k'omulamo. Kandi muhambe ekīnywa kya Nyamuhanga ng'omūyalī w'Omūlīmū Abūyīrīre.

AbaEbrania 4:12 Kusangwa ekīnywa kya Nyamuhanga kiriho, kandi kinemukola omūbīrī, kandi kītwīre kwilaba omūyalī owawite amoya abiri. Kikatsimita

erīhīka okw'igaba omutima n'ekīrīmu; kandi erīhīka okw'igaba esyonungo n'omungoso. Kandi kikatoka eritswera erisonda n'amalengekanīa g'omutima.  
Lūka 4:8 Yesu mwasūbīryayo ati, Amasako ati, Wasyaramya Omukama  
Nyamuhanga wawe iwamukolera īyowene.

Abanya Efeso 6:18 Musabe kutsibu n'erībūlya Nyamuhanga erībawatīkya. Kandi musabe omo migulu yosī ngoko Mūlīmū Abūyīrīre akabasondola. Busana n'omwatsi oyū, mūyītegaye, n'eriyitsingirira, imunemusabira abandu bosī ba Nyamuhanga.

1 Samwelī 17:45-47 - Dawīdī & Goliath

Lūka 10:17-20 N'amakūmī alinda mobasubula n'obutseme bati, Mukama, esyombīngga mosyatowīre omugulu twahanasyo omo līna lyawe! 18 Yesu mwasūbīryabo ati, Monalangira eSatanī ikatoga ng'erīpalya īkalūa elubula. 19 Lebaya, nabiribaha ehamūlī y'eriryatangirira esyonzoka, n'esyonge, n'erirenga obūtokī bosī bw'enzīgū, isihali kindu kyangabahūtalya. 20 Nīkwa simutseme kusangwa ebīrīmū bibi byabīrībowa, nīkwa mutseme kusangwa amena wenyū abirisakwa elubula.

2 Abanya Korīnto 10:3-5 Ni kwenene twīkere omo kihugo, nīkwa situlilwa ng'abandu b'ekihugo. 4 Ebindu byetu by'amalwa si by'ekihugo, nīkwa ni bindu by'amaka bya Nyamuhanga busana n'erīherya ahakongotere, 5 Tūkaheraya obuhaka bw'amabehī, n'obuli mwatsi w'eriyiheka owakapona eriminya lya Nyamuhanga. Kandi tukahamba obuli būlengekanīa erīhīrabo erīowa Kristo.

2 Tīmoteo 1:7 Kusangwa Omūlīmū ogo Nyamuhanga abirituha sialireka tukubaha; nīkwa Omūlīmū wuwe akatūsūlaya omo būtokī n'olwanzo, n'erīyīteya.

Matayo 12:28,29 Nīkwa īngye namahiga esyombīngga omo maka w'Omūlīmū wa Nyamuhanga, kundi Obwami bwa Nyamuhanga bwabīrībahīkako. 29 Kutse omundu angatoka eritula enyūmba y'omundu w'amaka yo ati, n'erīhūnga ebindu biwe, amatindatsūka eriboha omundu w'amaka oyo kwehī? Neryo iniatoka erīhūnga enyūmba yiwe.

Abanya Efeso 1:13 Omwatsi kw'abya atya busana nenyū. Omugulu mowa omwatsi w'ekwenene, w'Engulu Yowene y'erībalamya omw'īkīrīrya Kristo. Iye Nyamuhanga mwabahīrako ekiminyikalo kiwe, iniakabaha Omūlīmū Abūyīrīre ogo alaga.

Emībīrī Y'Abakwenda 19:6 Neryo Paūlo abere ahīra kubo kw'ebyala biwe, Omūlīmū Abūyīrīre mwahīka kubo, mobatsūka erībūga omo mībūge, n'eriminyerera.

Marīko 16:15-18 Neryo Yesu mwabwirabo ati, Muye omo kihugo kyosī, mūtūlaganaye Engulu Yowene oko bandu bosī. 16 Oyūkīkīrīrya kandi iniabiribatīsībwa asyalamībwa; nīkwa oyūtīkīrīrya asyasīngwa. 17 Neryo ababīrīkīrīrya basyahabwa ebiminyikalo ebī: basyahigira esyombīngga sy'eyīhya omo līna lyage, kandi basyabūga omo mībūge mihya-mihya; 18

kandi basyatola esyonzoka, kutse basyapülya obuti obükïta,  
sibyendïsyïtabokï; basyahïra ebyala oko bakonï, nabo basyalama.

1 Yoane 1:9 Nïkwa twamakangya kwenene, ebibi byetu, Nyamuhanga sialiregula, kandi akakola ekitunganene. Asyatubuyira ebibi byetu n'erïtwerya kw'ekitatunganene kyetu kyosï.

eSyonyimbo 109:17 - Yakobo 3:10 Omo buno buguma mïkalüa eripipa n'eritakira. Balïkyetu, emyatsi eyï siyangabya itya!

Mïtswerï 16:16 - 2 Petero 2:7,8 Kandi Nyamuhanga mwalamya Lotï, omundu oyutunganene. Lotï abya akagalwa busana n'emikolere eyïtïsïrïre y'abandu b'omwaga. 8 Kusangwa omundu oyutunganene abya ïkere omo katïkatï kabø. Nïkwa ebiro byosï Lotï mwalangira, kandi mowa emïbïrï yabo y'erïhalya, n'omutima wuwe owatunganene mwagalwa kutsibu busana n'emïbïrï mibi yabo.

Abanya Efeso 4:26 Mwamahitana isimwakola ebibi, simuleke eryuba likalenga imunahitene.

Abanya Roma 14:12 Neryo obuli mundu asyakanganïa Nyamuhanga ebyo akola.

1 Yoane 2:23 Kusangwa oyukagana Omugala siawite Tata nibya, n'oyïkalïga Omugala awite Tata nibya.

Yoane 14:6 Yesu mwamubwira ati, ïngye indï nzira, ïngye indi mwatsi w'ekwenene, ïngye indi ngebe; sihali mundu ûkahïka uku Tata ate kwïngye.

Matayo 11:28-30 Mwase ûkw'ïngye, ïnywe bosï ko mukanuba n'eriheka ebïrïtohïre, ngandibalûhûkyä. 29 Mwïmaye engomo yage, muhekeyo, mwigire ûkw'ïngye, kusangwa indi molo-molo n'ow'omutima ahehere; nenÿ mwasyabana eriluhuka omo mitima yenyû. 30 Kusangwa engomo yage ni nyibuya, n'omuheke wage angûhïrïre.

2 Abanya Korïnto 6:2 Kusangwa Nyamuhanga ati, Monakowa oko mugulu w'erïsïmwa, Kandi monakûwatïkya omo kiro ky'omulamo. Ülebaye, lino ni saa itolere, ülebaye, lino ni kiro ky'erïlamïbwa.

Abanya Roma 10:13 Kusangwa kitï, Obuli mundu oyukalakira erïna ly'Omukama asyalamïbwa.

Exodus 20:5 - sin cursed to 3 & 4 generations